

Los ntawm Thawj Tswj  
Hwm Thomas S. Monson



# Tej Lus Cog Tseg uas Muaj Nuj Nqis Heev ntawm Phau Ntawv Maumoos

**N**tau xyoo tas los lawm kuv tau sawv ntawm ntug txaj uas muaj ib leej txiv uas tseem hluas heev uas twb yuav tso ntiaj teb no tseg. Nws tus poj niam uas txhawj heev thiab nws ob tug me nyuam kuj nyob ze ntawd thiab. Nws tuav kuv txhais tes thiab ntsia kuv li nws xav thov, thiab hais rau kuv hais tias, “Npis sov, kuv paub hais tias kuv twb yuav tuag. Qhia rau kuv saib yuav ua li cas rau kuv tus ntsuj plig thaum kuv tuag lawm.”

Kuv tau ua twj ywm thov Vajtsv kom kuv tau kev pab uas los saum ntuj los thiab kuv pom tias nyob rau ntawm nws ib sab txaj muaj phau vaj lug kub. Kuv ncaiv tes muab phau ntawv thiab nthuav tsuag tsuag. Tos ncia li nthuav phau Amas tshooj 40 hauv Phau Ntawv Maumoos. Kuv nyeem cov lus no rau nws:

“Saib seb, nws raug ua rau koj paub lawm los ntawm ib tug tim tswv, tiag tag nrho tej tib neeg tej ntsuj plig, thaum uas lawv ncaim ntawm lub cev uas txawj tuag, . . . tau raug coj mus tsev mus cuag Vajtsv tus uas tau muab txoj sia rau lawv”.

“Thiab . . . tej ntsuj plig ntawm cov uas ncaj ncees tau raug txais mus nyob rau hauv ib qho chaw zoo siab, uas hu uas yeeb tsheej, ib qho chaw uas tau so, ib qho chaw uas muaj kev thaj yeeb, qhov uas lawv yuav tau so tseg tag nrho lawv tej teeb meem thiab tseg tag nrho

tej kev txawj, thiab tej kev tu siab” (Amas 40:11–12).

Thaum kuv nyeem ntxiv hais txog txoj kev Sawv Rov Los, ces tus txiv neej no lub ntsej muag tshiab me ntsis tuaj thiab nws thiaj li luag nyav. Thaum kuv xyuas lawv tag, ces kuv hais nyob zoo thiab ncaim tsev neeg no los mus lawm.

Kuv tau rov qab pom tus poj niam thiab cov me nyuam tom lub ntees tuag. Kuv rov qab xav txog hmo uas tus txiv neej hluas no tau thov kom paub qhov tseeb, ces thiaj li tau cov lus teb los ntawm Phau Ntawv Maumoos los.

Los ntawm Phau Ntawv Maumoos kuj muaj lwm cov lus cog tseg, xws li lus cog tseg ntawm kev thaj yeeb, kev nyob ywj siab, thiab tej koob hmoov yog tias peb “cia li ua hauj lwm rau tus Vajtsv ntawm daim av uas yog Yexus Khetos” (Ethaws 2:12).

Los ntawm phau ntawv no tej phab ntawv yeej muaj tej lus cog tseg txog “kev zoo siab uas tsis tu li” rau “cov uas ceev Vajtsv tej lus txib. Vim saib seb, lawv tau koob hmoov rau txhua txhia yam, tsis hais sab cev nqaij daim tawv los sis sab ntsuj plig” (Mauxiyas 2:41).

Los ntawm phau ntawv no tej phab ntawv yeej muaj tej lus cog tseg txog “kev xyiv fab uas loj heev” rau cov uas “yog Vajtsv tej tub txib” uas pab Nws tej tub ntxhais uas Nws hlub. (Amas 28:8; 29:9).

Los ntawm phau ntawv no tej phab ntawv yeej muaj lus cog tseg uas hais tias Ixayees uas tau tawg ri niab tag lawm yuav los sib sau ua ke —txoj hauj lwm uas peb yeej rau siab ua heev thoob plaws ntiaj teb no los ntawm kev ua tub txib (saib 3 Nifais 16; 21–22).

Los ntawm phau ntawv no tej phab ntawv muaj cov lus cog tseg uas hais tias thaum peb thov Leej Txiv los ntawm Yexus Khetos lub npe dawb huv, ces peb tsev neeg yuav tau koob hmoov (saib 3 Nifais 18:21).

Thaum peb kawm tej phab ntawv no ces yuav pom tau hais tias cov lus cog tseg uas hais txog tej uas yuav muaj los yav tom ntej uas hais tias, “yuav muaj tus Tswv tus Ntsuj Plig los rau hauv nej lub neej thiab nej tej tsev, yuav tau kev ntxiv dag zog kom thiaj li ua tau raws li Nws tej lus txib, thiab yuav muaj lus tim khawv ntxiv tias Vajtswv Leej Tub muaj siab nyob tiag tiag.”<sup>1</sup>

Thiab los ntawm Phau Ntawv Maumooos tej phab ntawv ces yuav muaj raws li Maulaunais cov lus cog tseg uas hais tias yog thaum thov Vajtswv nrog lub siab dawb paug, thiab kev ntseeg ntawm Khetos, ces peb yuav paub txog qhov tseeb ntawm tej lus cog tseg no “los ntawm lub hwj chim ntawm tus Vaj Ntsuj Plig Dawb Huv” (saib Maulaunais 10:4–5).

Ib yam li lwm cov yaj saub hauv hnub nyoog kawg twb tau hais lawm, kuv ua tim khawv tias qhov no muaj tseeb tiag “yog qhov uas raug tshaj txhua phau ntawv

nyob hauv ntiaj teb,”<sup>2</sup> hais txog Phau Ntawv Maumooos, uas yog ib zag ua tim khawv ntxiv txog Yexus Khetos. Phau ntawv no txoj lus tawm mus thoob plaws ntiaj teb no thiab ua rau cov neeg uas nyeem kom paub txog qhov tseeb. Kuv ua tim khawv hais tias Phau Ntawv Maumooos yeej hloov tau yus txoj kev ua neej. Vam hais tias peb txhua tus yuav nyeem phau ntawv thiab rov qab nyeem dua. Thiab vam hais tias peb yuav zoo siab hlo qhia txog peb tej lus tim khawv txog tej lus cog tseg uas zoo heev no rau tag nrho Vajtswv cov me nyuam.

#### LUS CIM

1. Gordon B. Hinckley, “A Testimony Vibrant and True,” *Liahona*, Yim Hli Ntuj 2005, 6.
2. *Teachings of Presidents of the Church: Joseph Smith* (2007), 64.

---

#### QHIA LOS NTAWM TSAB XOV NO

Nyob hauv tej vaj lug kub, “peb yuav nrhiav tau tej ntsiab cai uas yuav pab kho tau tag nrho txhua yam kev tsis sib to taub thiab tag nrho txhua qhov teeb meem uas tib neeg muaj hauv tsev neeg” (*Teaching, No Greater Call* [1999], 51). Thaum koj qhia txog Thawj Tswj Hwm Monson zaj lus rau ib tse neeg, caw kom lawv mloog zoo zoo txog tej lus cog tseg uas “zoo heev” uas nws tau hais txog hauv Phau Ntawv Maumooos. Tej zaum koj yuav tsum qhia txog ib qho kev cog lus tseg hauv Phau Ntawv Maumooos uas tseem ceeb rau koj.



Kev Ntseeg • Tsev Neeg • Kev Pab

# Yog Tias Peb Tsis Txhob Ua Xyem Xyav

*Cia li kawm tej yam no thiab, thaum tsim nyog ua, sib tham txog tej no nrog cov viv ncaus uas koj mus xyuas. Siv tej lus nug no pab koj txhawb koj cov viv ncaus lub zog thiab ua kom lub Koom Haum Niam Tsev muaj feem hauv koj lub neej.*

**N**yob hauv Phau Ntawv Maumoos peb nyeem txog cov tub hluas uas muaj peev xwm, muaj siab loj thiab, muaj zog heev li. “Muaj tseeb tiag, lawv yog neeg ntawm txoj kev tseeb thiab txoj kev rau siab, vim lawv tau raug qhia kom koj Vajtswv tej lus txib thiab kom mus ncaj ncaj rau ntawm nws.” (Amas 53:21). Cov tub hluas uas muaj kev ntseeg heev no yeej hais tias yog vim lawv niam txawj qhuab qhia—Lawv niam tej yam ntxwv thiab yog cov nai khu.

Cov niam tsev uas ua neej nyob rau thaum Hilamas cov tub rog ua neej nyob rau ib lub sij hawm uas tsis zoo li peb cov neej tam sim no. Lawv lub neej nyuaj heev thiab muaj kev ntshai loj heev, thiab cov hluas yeej raug hu los mus tiv thaiv kom thiaj li muaj kev ywj pheej ntawm sab cev nqaij daim tawv thiab ntawm sab ntsuj pliag. Niaj hnuv nim no peb ua neej nyob rau hauv ib lub ntiaj teb uas peb, “tsis yog tawm tsam neeg, tiam sis yog peb tawm tsam tej dab uas nyob saum nruab ntug, tsis hais cov thawj, tej uas muaj hwj chim loj thiab tej uas muaj hwj chim kav tiam tsaus ntuj.” (Efexaus 6:12).

Tej lub sij hawm uas nyuab

heev no yuav xav tau tej niam txiv uas muaj siab loj thiab ua tau yam ntxwv kom los qhia tej kev tseeb uas Hilamas cov tub rog yeej paub txog lawm. “Yog lawv tsis txhob ua xyem xyav, Vajtswv yuav cawm lawv dim” (Amas 56:47). Kev qhia thiab ua tau ib tug yam ntxwv rau qhov tseeb no yuav tsum yog ua tib zoo saib xyuas zoo zoo. Txawm li ntawd, los peb tsis tas ntshai. Peb paub hais tias peb yog leej twg thiab tias Vajtswv yog leej twg thiab peb twb tau nrog Nws sib lhi lus tseg lawm, ces peb—zoo ib yam li co niam ntawm cov tub rog—uas peb yuav pab tau kom zoo mus li.

Feem ntau mas, txhua tus ntawm Hilamas 2,060 tus tub rog no yeej yog muaj ib leej niam zoo pab lawv ntug. Tab sis tsis yog cov niam no pab xwb. Cov niam no muab lawv tej kev ntseeg thiab tej yam ntxwv los sib koom ua ke nrog rau lwm tus poj niam thiab txiv neej uas koj ncaj ncees kom thiaj li los qhia tau lub hwj chim ntawm tej kev khi lus. Cov hluas thaum lub sij hawm ntawd yeej to taub zoo txog lawv niam thiab txiv tej kev khi lus tseg tias tsis txhob sib ntaus sib tua lawm. Txawm hais tias zoo li yog ib yam uas yuav ua tsis tau kiag li, los

ib Leej Txiv Saum Ntuj Ceeb Tsheej uas hlub lawv heev thiaj li pab kom tau ib txoj kev rau cov niam thiab cov txiv no ua kom tau raws li lawv tej lus khi tseg—thiab txuag tau lawv tej kev ywj siab li (saib Amas 56:5–9). Peb yuav tsum ua raws li peb tej lus khi tseg thiab kom cov me nyuam thiab cov hluas—peb tej me nyuam thiab cov me nyuam hauv peb pawg ntseeg, ceg ntseeg, cov me nyuam nyob ntawd peb ib ncig, thiab peb tej zej zog—thiaj li to taub thiab txhawb nqa tej kev khi lus tseg.

Thaum peb ua raws li peb tej lus khi tseg, ces Leej Txiv Saum Ntuj Ceeb Tsheej thiaj li yuav npaj ib txog kev rau peb. Peb yuav tsum ua raws nraim li peb tej lus khi tseg. Piv txwv hais tias, peb yuav tsum ua raws nraim li peb hais thaum peb thov Vajtswv, kawm vaj lug kub, kom muaj ib daim ntawv tso cai nkag hauv lub tuam tsev, hnav ris tsho uas npog lub cev zoo, saib Hnuv Caiv rau nqi. Thaum peb ua tau li no, ces peb cov me nyuam thiaj li yuav paub thiab hais tau hais tias, “Peb yeej tsis ua xyem xyav peb niam yeej paub lawm” (Amas 56:48).

Cov poj niam hauv Hnuv Nyooj Kawg uas paub hais tias lawv tej

dag zog yog los ntawm tus Tswv txoj kev Theej Txhoj los no yeej tsis cia tso tseg thaum uas muaj teeb meem los sis muaj kev nyuaj siab li. Thaum peb ua neeg uas ceev tej lus

khi tseg, ces peb yuav txawj sawv ntseg, saib xyuas, thiab tiv thaiv cov me nyuam thiab cov hluas kom muaj ib hnub twg peb thiaj li yuav hais tau txog tiam neeg no hais tias,

“kuv yeej tsis tau pom ib zaug dua li uas muaj siab loj tag npaud, yeej tsis tau pom li” (Amas 56:45).

*Julie B. Beck, Koom Haum Niam Tsev tus tuam thawj tswj hwm*

### **Los ntawm cov Vaj Lug Kub**

Amas 53; 56–58

#### **Kuv Yuav Pab Li Cas?**

- 1.** Kuv yuav ua li cas thiaj li pab kom kuv cov viv ncaus paub thiab siv tau lub hwj chim uas lawv muaj kom thiaj li pab tau tiam neeg no?
- 2.** Kuv yuav nrhiav tau kev tshoov siab dab tsi hauv Phau Ntawv Maumoos kom thiaj li daws tau tej kev cov nyom uas kuv muaj niaj hnub nim no?

Kom tau ntaub ntawv xov xwm ntxiv, cia li txuas rau [www.reliefsociety.lds.org](http://www.reliefsociety.lds.org).